

Motivasi Pagi

“Allah swt berfirman di dalam Al-Quran yang bermaksud, ‘Wahai orang-orang yang beriman, diwajibkan ke atas kamu untuk berpuasa, sebagaimana yang telah diwajibkan kepada orang-orang sebelummu. Semoga kamu bertakwa’.

Dari ayat ini, kita dapat memahami tujuan utama di bulan Ramadan ialah supaya kita dapat meraih ketakwaan kepada Allah. Perkataan takwa ini selalu kita dengar namun tahukah kita apa sifat orang yang bertakwa? Allah swt telah memberi gambaran sifat-sifat orang yang bertakwa. Yang pertama ialah orang yang akan segera bertaubat kepada Allah, dan bulan Ramadan adalah peluang yang baik untuk kita mentaubati segala kesilapan kita yang kita perasan atau tidak. Sifat kedua adalah, orang yang bertakwa itu suka berinfak, memberikan hartanya kepada jalan Allah swt bagaimana yang telah disabdakan Nabi Muhammad saw bahawa berinfak ke jalan Allah tidak akan mengurangkan harta kita. Sifat ketiga orang yang bertakwa ialah mencuba sedaya upaya menahan marahnya. Kata Nabi Muhammad - ‘Orang yang kuat itu bukan yang kuat bertinju, tapi orang yang kuat ialah orang yang dapat menahan marahnya’. Dan yang terakhir, sifat orang yang bertakwa adalah orang itu mudah memaafkan orang lain.”



Ustazah Nadia Hanim Abdul Rahman

Anggota Bersekutu Jawatankuasa Fatwa Muis



Imbas kod QR untuk video penuh Ustazah Nadia
Ikuti Motivasi pagi setiap hari, jam 6 pagi di
Facebook Berita Harian Singapura